

修齊遺言

卷之四

七

光緒庚寅秋鐫

修齊遺書

後學
周邦翰重刊

原序

人爲萬物之靈，天生人而賦之以性，將使綱常名教，至於日用行習之事，處之適當，措之咸宜，則性由此全，而福由此集。余年將五十，僅得一子，性頗靈明，而體甚薄弱，弱冠娶媳數年未育，而子忽患癆瘵，漸至不治，計無復之。或告余宜禱於普陀大士，顧計程逾數千里，山河修阻，恐不能任其勞耳。余曰：若禱而靈，又安敢以遠辭？因謀於婦，束裝南行，約七八日，倦甚，投寓卸車茅店，無以舒懷，出門緣溪行數武，得一山。

境極幽僻，拾級而登，至平坡四顧寂然，絕無人聲。上有古廟，閉其門，額曰忠孝祠。祠東有亭，余遂坐憩。忽然神迷，不知身之所在。聞有呼余姓名者，且大聲而言曰：汝之子疾已瀕危，今往南海普陀山拜求觀世音乎？舉目視之，乃一道者，丰度飄然，非世間所曾見者。余駭然起爲禮，因問道者素未識面，何以識余苦衷？道者答云：愛子何必如是之切？汝子之疾乃汝積過所致，禱無益也。余懼無以對，私念家本寒微，余外出數十年，化居懋遷，幸得饒裕，此皆公平交易，未嘗

以刻薄居心過何由積乃長跼道者叩其積過之故
道者曰起起汝曾見廟額否余曰見之忠孝祠也道
者曰汝旣知忠孝祠則汝之過當自知也夫忠以事
君此特爲居官者言若不仕之人處已接物不存人
我之私見所謂中心爲忠者事事皆當體之而行而
孝以事親汝父蚤喪母氏孤苦守志多年自宜曲體
其心承順其志汝皆不然汝之宗族親戚皆父母之
黨其貧乏卽當周卹汝坐擁厚貲視彼之饑寒毫無
顧念何也而溺情其子珍之直同掌珠至於疾病則

數千里之路，必親往禱，非汝之過乎？自此之後，當速改前非，力行善事，有明嘉靖間楊椒山公家訓十九條在此，早晚傳誦，事事遵奉施行，汝子之疾乃不足慮耳。若能鈔寫分送，傳之鄉邑，則獲福更不可以言盡也。余謹受教。道者乃袖中出一卷授余，且誠曰：毋忽吾言。余方欲再問，已失道者所在。始悟忠臣孝子真氣不沒，卽隻字片紙，常有神靈擁護，使流播於天下，後世人不勉而爲善，與草木同腐耳。旣歸宿，次日趙程旋里，爲家人述之。時子病已稍減矣，互相驚異。

自是日日傳寫分送不已而親舊中有能奉行者所
求多如愿而應故此書有傳家寶之稱焉今余子疾
愈且遊庠登科連舉二孫矣讀者以是爲節性之書
卽可以是以爲集福之書云陳君選謹述

世以狀元為第一等之官則其體統

為上故其待遇亦異於他官其於

未及試以前其待遇亦異於他官其於

試後則其待遇亦異於他官其於

楊忠愍公修齊遺言重聚序

民之秉彝好是懿德士大夫讀書明理三剛五常之
術修之於預其餘大衆苟非下下愚人莫不有物有
則迎其機而導之善曷可少緩哉象之焚廩浚井見
牀琴而忸怩厥後封之有庫亦不聞有大惡也此有
虞氏之克諧也寤生居京寘穎性甚澆漓洎聞考叔
言幡然悛改此又善念之轉機也他如閔氏蘆衣田
家荆樹睽而復合者指不勝僂歲丁卯余於杭州得
楊忠愍公家訓十九條讀焉而感感焉而媿朝夕循

省底幾劾法丁亥游閩之汀復得鄭氏楊黃合刻楊
卽忠愍公書校余前得者更夥年譜余又節公劾嵩
一奏哀而帖之俾見公忠肝義膽兩曜爭光至明季
黃忠烈志圖恢復理學勛名非其人不能也亦非其
時不見也非若忠愍言皆家常日用事也且以棗梨
資力不能刊刻然苟讀忠愍書而能修身以齊其家
即可由修齊而訖於治平矣近覽世之家督徃徃秦
晉於外吳越其家抱隱憾而輯睦無方者有之怙富
賈而奴隸骨肉者有之甚至鄉曲編氓環父子兄弟

叔姪夫嬭姑媳妯娌終日勃谿禍至傾覆顛沛者有
之余家會稽曹娥夫曹娥者漢之孝女也娥年十四
父迎神溺江死不得屍娥乃沿江號哭晝夜不絕聲
投衣於江祝曰父屍在衣當沈衣果一處沈娥隨衣
沒越旬有七日負父起兩屍泊於是蓋地以人名也
岸之對有帝舜廟焉兩聖人皆能盡孝者也千百春
秋疊絲綸之錫享俎豆之光近居者咸厭見而熟聞
之宜乎薰沐盛惠有感斯興於彼事親之術稍有得
矣而抑知不然嗚庠可勝歎哉茲忠愍公書凡忠孝

廉節學問義理之術言之明白淺顯不必淹貫通儒
始能解讀稍識之無者展卷瞭如倘使家喻戶曉則
干名犯義之事或不見於倫常中矣爰譚之曰修齊
遺言醵同志金付梓以當道人木鐸云爾
光緒丁亥秋會稽屠繼善子筠氏序於楚軍營次

修齊遺言目錄

楊忠愍公像

年譜

家訓

劾嚴嵩奏

張宜人乞代夫死疏

祭文

忠愍公行狀

王世貞撰



仙苑遺言

楊忠愍公



楊椒山公遺像贊

謂官耶署耶而自任天下謂節忠烈
耶而志小天下謂言逆鱗耶而力匡
天下謂身輜毛耶而風動天下然則
斯人也殆庶幾乎孔孟仁義之正傳
而與易簣結纓以並駕

鎬京孫丕揚題